



列傳第四

金史六十六

開府儀同三司柱國營國軍前中書兼丞相驛國公領經筵都統齊王脫春  
勅修

始祖以下諸子

勗 本名烏野  
子宗秀

隈可 宗室胡十門

合住 子布渾

摑保 本名醜漢

齊 本名掃合

木魯 胡石改

宗賢 本名阿魯

撻懶 卞 本名吾母

膏 本名阿  
里刺

奔 本名  
三寶 阿喜

勗字勉道本名烏野穆宗第五子好學問國人呼為秀才



年十六從太祖攻寧江州從宗望襲遼主于石輦鐸太宗  
嗣位自軍中召還與謀政事宗翰宗望定汴州受宋帝降  
太宗使勛就軍中徃勞之宗翰等問其所欲曰惟好書耳  
載數車而還女直初無文字及破遼獲契丹漢人始通契  
丹漢字於是諸子皆學之宗雄能以兩月盡通契丹大小  
字而完顏希尹乃依倣契丹字製女直字女直既未有文  
字亦未嘗有記錄故祖宗事皆不載宗翰好訪問女直老  
人多得祖宗遺事太宗初即位復進士舉而韓昉輩皆在  
朝廷文學之士稍拔擢用之天會六年詔書求訪祖宗遺  
事以脩國史命勛與耶律迪越掌之勛等採摭遺言舊事

自始祖以下十帝綜爲三卷凡部族旣曰某部復曰某水  
之某又曰某鄉某村以別識之凡與契丹徃來及征伐諸  
部其間詐謀詭計一無所隱事有詳有略咸得其實自太  
祖與高麗議和凡女直入高麗者皆索之至十餘年索之  
不已勛上書諫曰臣聞德莫大於樂天仁莫先於惠下所  
索戶口皆前世姦宄叛亡烏蠢訛謨罕阿海阿合東之緒  
裔先世綏懷四境尚未賓服自先君與高麗通聞我將大  
因謂本自同出稍稍款附高麗旣不聽許遂生邊釁因致  
交兵又方連和蓋三十年當時壯者今皆物故子孫安於  
土俗婚姻膠固徵索不已彼固不敢稽留骨肉乖離誠非



衆願人情怨甚可愍者而必欲求爲已有特彼我之蔽非  
一視同仁之大也國家民物繁夥幅員萬里不知得此果  
何益耶今索之不還我以強兵勁卒取之無難然兵凶器  
戰危事不得已而後用高麗稱藩職貢不闕國且臣屬民  
亦非外聖人行義不責小過理之所在不俟終日臣愚以  
爲宜施惠下之仁弘樂天之德聽免徵索則彼不謂已有  
如自我得之矣從之十五年爲尚書左丞加鎮東軍節度  
使同中書門下平章事預平宗盤之難賜與甚多加儀同  
三司以皇叔祖字冠其銜勛皆力辭不受皇統元年撰定  
熙宗尊號冊文上召勛飲於便殿以玉帶賜之所撰祖宗

錄成凡三卷進入上焚香立受之賞賚有差制詔左丞  
昂平章政事奕職俸外別給二品親王俸廉舊制皇兄弟  
皇子爲親王給二品俸宗室封一字王者給三品俸勛等  
別給親三俸皆異數也宴群臣于五雲樓勛進酒稱謝帝  
起立宰臣進曰至尊爲臣下屢起於禮未安上曰朕屈已  
待臣下亦何害是日上及羣臣盡歡俄同監修國史進拜  
平章政事光懿皇后忌辰熙宗將出獵勛諫而止熙宗獵  
于海島三日之間親射五虎獲之勛獻東狩射虎賦上悅  
賜以佩刀玉帶良馬能以契丹字爲詩文凡游宴有可言  
者輒作詩以見意時上日與近臣酣飲或繼以夜莫能諫



之勛上疏諫乃爲止酒進拜左丞相兼侍中監修如故八年奏上太祖實錄二十卷賜黃金八十兩銀百兩重絛五十端綃百匹通犀玉鈎帶各一出領行臺尚書省事召拜太保領三省領行臺如故封魯國王勛剛正寡言海陵方用事朝臣多附之者一日大臣會議海陵後至勛面責之曰吾年五十餘猶不敢後爾少年強健乃敢如此海陵跪謝九年進拜太師進封漢國王海陵篡立加恩大臣以收人望封秦漢國王領三省監修如故及宗本無罪誅勛髡鬻頰白因上表請老海陵不許賜以玉帶優詔諭之有大事必宰相就第商議入朝不拜勛遂稱疾篤不言表請愈

切海陵不憚從之以本官致仕進封周宋國王正隆元年與宗室俱遷中都二年例降封金源郡王薨年五十九撰定女直郡望姓氏譜及他文甚衆大定二十年詔曰太師勛諫表詩文甚有典則朕自即位所未嘗見其諫表可入實錄其射虎賦詩文等篇什可鏤版行之子宗秀

宗秀字實甫本名廝里忽汝獵經史通契丹大小字善射射與平宗磐宗雋之亂授定遠大將軍以宗磐世襲猛安授之宗弼復取河南宗秀與海陵俱赴軍前任使宋將毋飛軍于亳宿之間宗秀率步騎三千扼其衝要遂與諸軍逆擊敗之師還爲太原尹改婆速路統軍使不受高麗遣



使以土產獻却之入爲刑部尚書改御史中丞授翰林學士天德初轉承旨封宿國公賜玉帶歷平陽尹昭義軍節度使封廣平郡王正隆二年卒官年四十二是歲例降二品以上封爵改贈金紫光祿大夫

康宗敬僖皇后生楚王謀良虎次室溫都氏生昭武大將軍同剗茁次室僕散氏坐事死生龍虎衛上將軍隈可隈可亦作隈喝美稱鬚勇健有材略從太祖伐遼取寧江州戰出河店天眷二年授驃騎上將軍除迭魯必撒兀詳穩遷忠順軍節度使興平軍節度使天德二年入爲太宗正丞四年出爲昭德軍節度使以兄謀良虎子喚端合扎

謀克餘戶授隈喝上京路扎里瓜猛安所屬世襲謀克改德昌軍節度使封廣平郡王正隆二年例奪王爵改曷速館節度使再改忠順軍節度使大定元年封宗國公爲勸農使卒官年六十五

始祖兄弟三人保活里之後爲神土蕪迪古乃別有傳胡十門者曷蘇館人也父撻不野事遼爲太尉胡十門善漢語通契丹大小字勇而善戰高永昌據東京招曷蘇館人及畏高永昌兵疆且欲歸之胡十門不肯從召其族人謀曰吾遠祖兄弟三人同出高麗今大聖皇帝之祖入女直吾祖留高麗自高麗歸于遼吾與皇帝皆三祖之後皇帝



受命即大位遼之敗亡有徵吾豈能為永昌之臣哉始祖  
元阿古廼留高麗中胡十門自言如此蓋自謂阿古廼之  
後云於是率其族屬部衆詣撒改烏蠢降營于馳回山之  
下永昌攻之胡十門力戰不能敵奔于撒改及攻開州胡  
十門以糧餉給軍後攻保州遼將以舟師邀胡十門邀擊  
敗之降其士卒賞賜甚厚以為曷蘇館七部勃董給銀牌  
一木牌三天輔二年卒贈監門衛上將軍再贈驃騎衛上  
將軍子鈞空嘗從攻顯州領四謀克軍破魚梁務攻最以  
其父所管七部為曷蘇館都勃董有合住者亦稱始祖兄  
苗裔但不知與胡十門相去幾從耳

合住曷速館苾里海水人也仕遼領辰復二州漢人渤海  
子蒲速越襲父職再遷靜江中正軍節度使佩金牌為曷  
速館女直部長子余里也與胡十門同時歸朝屢以糧餉  
助伐高永昌及高麗新羅後從宗望伐宋以功遷真定府  
路安撫使兼曹州防禦使佩金牌授苾里海水世襲猛安  
長子布輝識女直契丹漢字善騎射年十八宗弼選為扎  
也從阿里蒲盧渾追宋康王于明州睿宗聞其才召置麾下  
從經略山東河北陝西襲其父猛安授昭勇大將軍海  
陵伐宋以本猛安兵從半道與南征萬戶完顏福壽等俱  
亡歸謁世宗于遼陽世宗即位除同知曷蘇館節度使事



刑部侍郎斜哥爲都統布輝副之坐擅署置官吏私用官  
中財物削兩階解職未浹旬世宗獻享山陵兵部尚書可  
喜昭毅大將軍幹論中都同知完顏璋等謀反欲因上謁  
山陵舉事幹論與布輝親舊與之謀議事具可喜傳旣知  
事不可成乃與可喜璋執幹論等上變可喜不肯以始謀  
盡首遂并誅之而賞布輝璋除布輝濬州防禦使累遷順  
天軍節度使致仕卒年六十七

昭祖族人摠保者從昭祖耀武于青嶺白山還至姑里甸  
昭祖得疾寢于村舍洞無門扉乃以車輪當門爲蔽摠保  
卽輪下爲扞禦已而賊至刃交於輪輻間摠保洞腹見膏

心昭祖知之乃然薪取膏以爲炙問之以他肉對昭祖心  
知之遂中夜啓行

東本名醜漢中都司屬司人世祖曾孫祖霸合布里封郵  
王父吾烈官至特進大定中收充閣門祗候授代州宣銳  
軍都指揮使歲旱州委禱雨于五臺靈潭步致其水兩隨  
下人爲刻石紀之四遷引進使兼其客署令改尚輦局使  
扈從比幸賜廐馬二以旌其勤尋爲夏國王李仁孝封冊  
使歷寧海蠡州刺史入爲人睦親府丞除順義軍節度使  
陞辭賜金幣特寵異之移鎮鎮西泰和六年致仕卒哀孝  
悌貞謹深悉本朝婚禮皇族婚嫁每令吏相之治復有能



稱其在寧海蠡州平賊役無擾民立石頌遺愛大安初追  
贈輔國上將軍

齊本名掃合穆宗曾孫父胡八魯寧州刺史大定中以族  
次充司屬司將軍授同知復州軍州事累遷刑部員外郎  
上諭曰本朝以來未嘗有內族爲六部郎官者以卿歷職  
廉能故授之先是復州合廝罕關地方七百餘里因圍獵  
禁民樵捕齊言其地肥衍令賊民開種則公私有益上然  
之爲弛禁即牧民以居田收甚利因名其地曰合廝罕猛  
安章宗立改戶部員外郎出爲磁州刺史治以寬簡未嘗  
留獄屬邑武安有道士視觀字不謹吏民爲請漸鄴三師

者代主之道士忿奪其利告王私置禁錮器法當徒縣令  
惡其爲人反坐之具獄上齊審其誣又以王有德不忍坐  
之問同寮無以對齊曰道士同請即同居也當准首俱釋  
其罪其實明有體管此類也磁名郡刺史皆朝廷遴選郡  
人以前政有聲如劉徽柔程輝高德裕皆不及也河北提  
刑司以治狀聞明昌三年始議置諸王傳頗難其選乃以  
齊傳充王王將至任郡猛安迎接齊峻却之王恨問故曰  
王國藩輔猛安皆總戎職於王何利焉却之以遠嫌也王  
恠張王府家奴爲不法輒發還本猛安終更無敢犯者明  
年授山東東西路副統軍兼同知益都府事有惠愛郡人



爲之立碑轉彰化軍節度使六年移利涉軍召見勞慰有  
加詔留守上京承天殿一年致仕卒齊明法識治體所至有  
聲凶族平與丞相名並稱云

木魯宗室子從鄭名戰賽敗高麗于曷懶取亞魯城克寧

江州取黃龍府出名店之役達魯古城之名築卷岡之

役皆力戰名回東京降爲本路招名同副

營蘇州漢民名木魯追復之以功爲謀克天輔四年卒

年四十一皇統中贈鎮國上將軍

胡石改宗室子也從太祖攻寧江敗遼兵於達魯古城破

遼主親兵皆有功遷軍木提濟州胡石改與其兄實喜

以兵迎擊敗之還攻濟州中流矢戰益力克其城軍中稱

其勇從攻春泰州降之并降境內諸部族其不降者皆攻

拔之遼主西走胡石改追至中京獲其宮人輜重凡八百

兩有思泥古者復以本部叛去胡石改以兵五百追及之

獲其親屬部人以還德州復叛胡石改以兵五千克其城

從婁室擊敗敵兵二萬於歸化之南并降歸化從取居庸

關并燕之屬縣及其山谷諸屯移失部既降復叛去胡石

改引兵追及戰敗之俘獲甚衆澤州諸部有逃者皆追復

之又敗叛人於臨潢誅其酋領而安撫其人民天眷二年

遷永定軍節度使改武定軍徙汴京留守天德三年授世



襲猛安卒年六十八

宗賢本名阿魯太祖伐遼從攻寧江州臨潢府太宗監國  
選侍左右甚見親信臨潢復叛從宗望復取之爲內庫都  
提點再遷歸德軍節度使政寬簡境內大治秩滿士民數  
百千人相率詣朝廷請留及改武定軍百姓扶老携幼送  
數十里悲號而去改永定軍秉德廉訪官吏士民持盆水  
與鏡前拜言曰使君廉明清直類此民實賴之秉德曰吾  
聞郡僚廉能如一汝等以爲如何衆對曰公勤清儉皆法  
則於使君耳因謂宗賢曰人謂君善治當在甲乙果然賢  
使君也用是超遷兩階天德初授世襲謀克馳驛召之雄

州父老相率張青繩懸明鏡於公署老幼填門三日乃得  
去封定國公再除忠順軍節度使賜以玉帶捕盜司執數  
人至府宗賢問曰罪狀明白否對曰獄具矣宗賢閱其案  
謂僚佐曰吾察此輩必寃不數日賊果得人服其明改曷  
懶路兵馬都總管歷廣寧尹封廣平郡王改崇義軍節度  
使兼領北京宗室事正隆例奪王爵加金紫光祿大夫改  
臨海軍大定初遣使召之宗賢率諸宗室見於遼陽除同  
簽太宗正事封景國公致仕起爲婆速路兵馬都總管復  
致仕卒

特進捷懶宗室子年十六事太祖未嘗去左右出河店之



從太祖欲親戰撻懶控其馬而止之曰主君何爲輕敵臣請效力即挺槍前手殺七人已而槍折騎士曳而下者九人太祖壯之曰誠得此輩數十雖萬衆不能當也及戰于達魯古城遼兵一千陣于營外太祖遣撻懶往擊之撻懶衝出敵陣大敗其衆攻臨潢府春泰州中西二京皆有功天輔六年授謀克天會四年從伐宋屢以功受賞明年再舉至汴宗望聞宋人會諸路援兵于睢陽遣撻懶與阿里刮將兵二千往拒之敗其前鋒軍三萬于杞縣又破三寨擒宋京東路都總管胡直孺南路都統制隋師元及其三將并直孺二子遂取拱州降寧陵復破二萬于睢陽進取

亳州聞宋兵十萬且至會宗望益兵四千合擊大賊之其卒二千陣而立馳之不動即麾軍去馬擊之盡殪擒其將石瑱而還帥府嘉其功賞賚優渥睿宗駐兵熙州分遣諸將略地撻懶以軍五百入六盤山十六寨降其官八十餘民戶四千獲馬二千死皇統中累加銀青光祿大夫天德初加特進授世襲猛安卒年六十五海陵遷諸陵於大房山以撻懶嘗給事太祖命作石像置睿陵前

卞本名吾母上京司屬司人大定二年收充護衛積勞授彰化軍節度副使入爲都水監丞累遷中都西京路提刑使徙知歸德府河平軍節度使王汝嘉奏卞前在都水監



導河有勞除北京留守未幾改知大興府事時有言尚書  
左丞夾谷衡在軍不法詔刑部問狀事下大興府下輒令  
追攝上以為失體杖四十久之乞致仕不許拜御史大夫  
先是左司諫赤盞高門上言御史大夫久闕憲紀不振宜  
選剛正疾惡之人肅清庶務上由是用卞前時孫鐸賈鉉  
俱為尚書鉉拜參知政事而鐸再任對賀客誦唐張在詩  
有鬱鬱意卞劾奏之鐸坐降黜既而復申前請遂以金吾  
衛上將軍致仕薨

膏本名阿里刺隸上京司屬司大定十年以皇家近親收  
充東宮護衛轉十人長授御院通進從世宗幸上京會皇

太子守國薨世宗以膏親密可委特命與滕王府長史臺  
馳驛往護喪時章宗為金源郡王亦留中都且命膏等保  
護諭之曰郡王遭此家難哀哭當以禮節之飲食尤宜謹  
視世宗還都遷符寶郎除吏部郎中章宗即位坐與御史  
大夫唐括貢為壽犯夜禁奪官一階罷明昌元年起為同  
知棣州防禦使事上書歷詆宰執帝以小臣敢譏訕宰輔  
杖八十削一官罷之發還本猛安明年降授同知宣德州  
事召授武衛軍副都指揮使四遷知大興府事轉左右宣  
徽使承安二年拜尚書右丞出為泰定軍節度使移知濟  
南府卒



奔本名三寶隸梅堅塞吾司屬司大定七年以近親充東  
 宮護衛十人長轉為尚廐局使章宗即位遷左衛副將軍  
 累遷右副都點檢兼提點尚廐局使諭旨曰汝非有過人  
 才第以久次遷授當謹乃職勿復有非違事使朕聞之未  
 幾坐廐馬瘦決三十承安二年改左司都點檢兼職如舊  
 俄授同簽大睦親府事卒奕為人貪鄙數以贓敗帝愛其  
 能治圍場故進而委信之

阿喜宗室子好學問襲父北京路筭栢山猛安聽訟明決  
 人信而愛之察廉能除彰國軍節度副使改上京留守判  
 官提刑司奏彰國軍治狀遷同知速頻路節度事改歸德

軍歷海邳二州刺史皆兼總押軍馬宋統領劉文謙以兵  
 犯宿遷阿喜逆擊破之復破戚春夏興國舟兵萬餘人斬  
 夏興國于陣遷鎮國上將軍再賜銀幣為元帥左監軍紇  
 石列執中前鋒渡淮破寶應天長二縣師還遷同知歸德  
 府事改泗州防禦使丁母憂起復大安二年改華州防禦  
 使遷鎮南軍節度使貞祐二年改知大名府充馬軍都提  
 控歷橫海安化軍節度使充宣差山東路左翼都提控尋  
 知濟南府事徙沁南軍節度使遷河南統軍使兼昌武軍  
 節度使卒

贊曰金諸宗室自始祖至康宗凡八世獻祖徙居海姑水



納葛里村再徙安出虎水世祖稱海姑兄弟蓋指其所居也完顏十二部皆以部為氏宣宗詔宗室皆書姓氏然亦有部人以部為氏非宗室同姓者遂不可辨矣

列傳下第四

列傳第五

金史六十七

開禧儀同正上柱國錄軍國事兼前中書省丞相樞密副使領經筵事都統臣脫脫奉

勅修

石顯

桓赦弟散

烏春溫敦蒲

臘醅弟麻

鈍恩

留可

阿疎

奚王回鹘保

石顯孩懶水烏林答部人昭祖以條教約束諸部石顯陸梁不可制及昭祖没于逼刺紀村部人以柅歸至孩懶水石顯與完顏部窩忽窩出邀於路攻而奪之柅揚言曰汝輩以石曾為能而推尊之吾今得之矣昭祖之徒告于蒲



馬太驚與馬紀嶺効保村完顏部蒙葛巴士等募軍追及之與戰復得柩衆推景祖爲諸部長自山耶悔統門耶懶士骨論五國皆從服及遼使曷魯林牙來索逋人石顯皆拒阻不聽命景祖攻之不能克景祖自度不可以力取遂以詭計取之乃以石顯阻絕海東路請於遼遼帝使人讓之曰汝何敢阻絕鷹路審無他意遣其酋長來石顯使其長子婆諸刊入朝曰不敢違大國之命遼人厚賜遣還謂婆諸刊曰汝父信無他宜身自入朝石顯信之明年入見於春蒐婆諸刊從遼主謂石顯曰罪惟在汝不在汝子乃命婆諸刊還而流石顯於邊地蓋景祖以計除石顯而欲撫有其子與部人也婆諸刊蓄怨未發會活刺渾水紇石烈部臘醅麻產起兵婆諸刊往從之及敗於暮稜水麻產先遜去婆諸刊與臘醅就擒及其黨與皆獻之遼主久之世祖復使人言曰婆諸刊不還則其部人自知罪重因此恐懼不肯歸服遼主以爲然遂遣婆諸刊及前後所獻罪人皆還之

桓赧散達兄弟者國相雅達之子也居完顏部邑屯村雅達稱國相不知其所從來景祖嘗以幣與馬求國相於雅達雅達許之景祖得之以命肅宗其後撒改亦居是官焉桓赧兄弟嘗事景祖世祖初季父跋黑有異志陰誘桓赧



欲與爲亂昭肅皇后往邑屯村世祖肅宗皆從行遇桓赦  
散達各被酒言語紛爭遂相歐擊舉刃相向昭肅皇后親  
解之乃止自是謀益甚是時烏春窩謀罕亦與跋黑相結  
詭以烏不屯賣甲爲兵端世祖不得已而與之和間數年  
烏去以其衆涉活論來流二水世祖親往拒之桓赦散達  
遂去兵肅宗以備師拒桓赦散達世祖畏其合勢也戒之  
曰可和則和否則戰至斡魯紺出水旣陣成列肅宗使益  
德勃堇議和桓赦亦恃烏春之在北也無和意益德報肅  
宗曰敵欲戰或曰戰地迫近村墟雖勝不能盡敵宜退軍  
誘之寬地肅宗惑之乃令軍少却未能成列桓赦散達乘

之肅宗敗焉桓赦乘勝大肆鈔略是役也烏春以久雨不  
能前乃罷兵世祖聞肅宗敗乃自將經舍很貼割兩水取  
桓赦散達之家桓赦散達不知也世祖焚其所居殺略百  
許人而還未至軍肅宗之軍又敗世祖至責讓肅宗失利  
之狀使歡都治訶以本部七謀克助之復遣人議和桓赦  
散達欲得盈歌之大赤馬辭不失之紫騮馬世祖不許遂  
與不木魯部卜灰蒲察部撒骨出及混同江左右匹古敦  
水北諸部兵皆會厚集爲陣鳴鼓作氣馳騁桓赦恃其衆  
有必勝之心下令曰今大門開矣悉以爾車自隨凡烏古  
廼夫婦寶貨財產恣爾取之有不從者俘略之而去於是



婆多吐水裝滿部幹不勃堇附於世祖桓赧等從火焚之  
幹不死世祖厚撫其家既定桓赧以舊地還之桓赧軍復  
來蒲察部沙祗勃堇胡補答勃堇使阿喜間道來告且問  
曰寇將至吾屬何以待之世祖復命曰事至此不及謀矣  
以衆從之自救可也惟以旗幟自別耳每有兵至則輒遣  
阿喜穿林潛來令與畢察往還大道即故潛往來林中路  
也桓赧至北隘旬世祖將出兵聞跋黑食于駝滿村死矣  
乃沿安木虎水行且欲并取海故术烈速勃堇之衆而後  
戰覘者來報曰敵至美世祖戒辭不失整軍速進使待於  
脫豁改原當是時桓赧兵衆世祖兵少衆寡不敵比世祖

至軍士氣切甚世祖心知之而不敢言但令解甲少憇以  
水洗面飲熱水頰之士氣稍蘇息是時肅宗求救於遼不  
在軍中將戰世祖屏人獨與穆宗私語兵敗則就與肅宗  
乞師以報讎仍令穆宗勿預戰事介馬以觀勝負先圖去  
就乃袒袖執弓服矢以緼絢下幅護前後心三揚旗三搥  
鼓棄旗提劍身為軍鋒盡鈔搏戰桓赧步軍以千盾進世  
祖之衆以長槍擊之步軍大敗辭不失從後奮擊之桓赧  
之騎兵亦敗世祖乘勝逐北破多退水水為之赤世祖止  
軍勿追盡獲所棄車甲馬牛車實以戰勝告于天地頒所  
獲於將士各以功為差未幾桓赧散達俱以其屬來降卜



灰猶保撒阿辣村招之不出撒骨出據阿魯紺出村世祖遣人與之議和撒骨出謾言為戲答之曰我本欲和壯士巴的慈不肯和泣而謂我曰若果與和則羨衣肥羊不可復得是以不敢從命遂縱兵併略隣近村墅有人從道傍射之中口死下灰之屬曰石曾石曾之母嫁于駝滿部達魯罕勒莖而為之妾達魯罕與族兄弟抹腮引勒莖俱事世祖世祖欲問石曾於下灰謂達魯罕曰汝之事我不如抹腮引之堅固也蓋謂石曾罕一彼馬一此馬以此撼石曾石曾聞之遂殺下灰而吐吐石曾通於下灰之妾常懼得罪及聞世祖言惑之使告下達魯罕曰將殺下灰而來汝待我于江伺下灰睡熟刺刃於背而殺之追者急白日露鼻匿水中逮夜至江方游以濟達魯罕使人待之乃得免久之醉酒而與達魯罕很爭達魯罕殺之

烏春阿跋斯水溫都部人以鍛鐵為業因歲歉策杖負擔與其族屬來歸景祖與之處以本業自給既而知其果敢善斷命為本部長仍遣族人益德送歸舊部益德烏春之甥也世祖初嗣節度使叔父跋黑陰懷覬覦間誘桓赦散達兄弟及烏春窩謀罕等烏春以跋黑居肘腋為變信之由是頗貳於世祖而虐用其部人部人訴於世祖世祖使人讓之曰吾父信任汝以汝為部長今人告汝有實狀殺



無罪人聽訟不平自今不得復爾爲也烏春曰吾與汝父等輩舊人汝爲長能幾日干汝何事世祖內畏跋黑恐羣朋爲變故曲意懷撫而欲以婚姻結其歡心使與約婚烏春不欲笑曰狗彘之子同處豈能生育胡里改與女直豈可爲親也烏春欲發兵而世祖待之如初無以爲端加古部烏不屯亦鐵工也以被甲九十來售烏春聞之使人來讓曰甲吾甲也來流水以南匹古敦水以北皆吾土也何故輒取吾甲其亟以歸我世祖曰彼以甲來市吾與直而售之烏春曰汝不肯與我甲而爲和解則使汝叔之子斜葛及斯勒來斜葛蓋跋黑之子也世祖度其意非真肯議

和者將以有爲也不欲遣衆固請曰不遣則必用兵不得已遣之謂斯勒曰斜葛無害彼且執汝矣半途辭疾勿往既行斯勒曰我疾作將止不往斜葛曰吾亦不能獨往矣同行者強之使行既見烏春烏春與斜葛厚爲禮而果執斯勒曰得甲則生否則殺汝世祖與其甲斯勒乃得歸烏春自此益無所憚後數年烏春舉兵來戰道斜寸嶺涉浩論來流水舍於木虎部阿里矮村滓布乃勃堇家是時十月中大雨累晝夜不止冰漸覆地烏春不能進乃引去於是桓被散達亦舉兵世祖自拒烏春而使肅宗拒桓被已而烏春遇兩歸叔父跋黑亦死故世祖得併力於桓被散



達一戰而遂敗之斡勒部人盃乃舊事景祖至是亦有他志徙于南畢懇忒村遂以縱火誣歡都欲因此除去之語在歡都傳中世祖獲盃乃釋其罪盃乃終不自安徙居吐窟村與烏春窩謀罕結約烏春舉兵度嶺世祖駐軍屋闔村以待之進至蘇素海甸兩皆陣將戰世祖不親戰命肅宗以左軍戰斜列辭不失助之徵異夢也肅宗東緼縱火大風從後起火熾烈時八月野草尚青火盡燎烟焰張天烏春軍在下風肅宗自上風擊之烏春大敗復獲盃乃獻于遼而城蘇素海甸以據之紇石烈臘醅麻產與世祖戰於野鵲水世祖中四創軍敗臘醅使舊賊禿罕等過青嶺

見烏春賂諸部與之交結臘醅麻產求助於烏春烏春以姑里甸兵百十七人助之世祖擒臘醅獻于遼主并言烏春助兵之狀仍以不脩鷹道罪之遼主使人至烏春問狀烏春懼乃為譟言以告曰未嘗與臘醅為助也德隣石之北姑里甸之民所管不及此臘醅既敗世祖盡得烏春姑里甸助兵一百十七人而使其卒長斡善斡脫往招其衆繼遣斜鉢勃堇撫定之斜鉢不能訓齊其人蒲察部故石跋石等誘三百餘人入城盡陷之世祖治鷹道還斜列來告世祖使歡都為都統破烏春窩謀罕於斜堆故石跋石皆就擒世祖自將過烏紀嶺至窩謀海村胡論加古部勝



昆勃莖居烏延部富者郭赦請分一軍由所部伐烏春蓋以所部與烏春近欲以自蔽故也乃使斜列躍盤以支軍道其所居世祖自將大軍與歡都合至阿不塞水嶺東諸部皆會石土門亦以所部兵來是時烏春前死窩謀罕聞知世祖來伐訴於遼人乞與和辭使者已至其家世祖軍至窩謀罕請緩師盡以前所納亡人歸之世祖使烏林荅故德黑勃莖往受所遣亡者窩謀罕以三百騎乘懈來攻世祖敗之遼使惡其無信不復為主和乃進軍圍之太祖衣短甲行圍號令諸軍窩謀罕使太峪潛出城攻之大峪馳馬援槍將及太祖活臘胡擊斷其槍太祖乃得免斜列至斜忒水用郭赦計取先在烏春軍者二十二人烏春軍覺之殺二人餘二十人皆得之益以土軍來助窩謀罕自知不敵乃遁去遂克其城盡以其產分資軍中以功爲次諸部皆安輯焉穆宗常嘉郭赦功後以斜列之女守寧妻其子胡里罕烏春之後爲溫敦氏裔孫曰蒲刺

溫敦蒲刺始居長白山阿不辛河徙隆州移里閔河蒲刺初從希尹征伐攝猛安謀克事遇賊突出力擊敗之手殺二十餘人用是擢脩武校尉天德初充護衛遷宿直將軍與衆護衛射遠皆莫能及海陵以王鞍銜賞之往曷懶路選可充護衛者使還稱旨遷耶盧椀群牧使改遼州刺史



正隆伐宋召爲武翼軍副都總管將兵二千至汝州南遇  
宋兵二萬餘邀擊敗之手殺將士十餘人是時嵩汝兩州  
百姓多逃去蒲刺招集使之復其業改莫州刺史徵爲太  
子左衛率府率再遷隴州防禦使歷鎮西胡里改顯德軍  
節度使致仕卒

臘醅麻產兄弟者活刺渾水訶隣鄉紇石烈部人兄弟七  
人素有名聲人推服之及烏春窩謀罕等爲難故臘醅兄  
弟乘此際結陶溫水之民浸不可制其同里中有避之者  
徙於苾罕村野居女直中臘醅怒將攻之乃約烏古論部  
駱臘勃堇富者撻懶胡什滿勃堇海羅勃堇幹茁火勃堇

海羅幹茁火間使人告野居女直野居女直有備臘醅等  
敗歸臘醅乃由南路復襲野居女直勝之俘略甚衆海羅  
幹茁火胡什滿畏臘醅求援于世祖斜列以輕兵邀擊臘  
醅等于屯睦吐村敗之盡得所俘臘醅麻產驅掠來流水  
牧馬世祖至混同江與穆宗分軍世祖自如骨魯津倍道  
兼行馬多乏皆留之路傍從五六十騎遇臘醅于野鵠水  
日已曛臘醅兵衆世祖兵少歡都廩戰出入數四馬中創  
死者十數世祖突陣力戰中四創不能軍穆宗自庵吐渾  
津度江遇敵于蒲蘆買水敵問爲誰應之曰歡都問者射  
穆宗矢著于弓箛是歲臘醅麻產使其徒舊賊禿罕及駱



朶剌取戶魯不灤牧馬四百及富者粘罕之馬合七百餘  
匹過青嶺東與烏春窩謀罕交結世祖自將伐之臘醅等  
僞降還軍臘醅復求助於烏春窩謀罕窩謀罕以姑里甸  
兵百有十七人助之臘醅據暮稜水保固險阻石顯子婆  
諸刊亦往從之世祖率兵圍之克其軍麻產遜去遂擒臘  
醅及婆諸刊皆獻之遼盡獲其兵使其卒長幹善幹脫招  
撫其衆使斜鉢撫定之復使阿离合懣察暮稜水人情并  
募兵與斜鉢合語在烏春傳世祖既沒肅宗襲節度使麻  
產據直屋鎧水繕完營堡招納亡命杜絕往來者恃陶溫  
水民爲之助招之不聽使康宗伐之是歲白山混同江大

溢水與岸齊康宗自阿隣岡乘舟至於帥水舍舟沿帥水  
而進使太祖從東路取麻產家屬盡獲之康宗圍麻產急  
太祖來會軍於是麻產先亡在外其人乘夜突圍遜去太  
祖曰麻產之家蕩盡矣走將安歸追之麻產不知太祖急  
求已也與三騎來伺軍其一人墜馬下太祖識之問狀其  
人曰我隨麻產來伺軍彼走者二人麻產在焉麻產與其  
人分道走太祖命劾魯古追東走者而自追西走者至直  
屋鎧水失麻產不見急追之得遺甲於路迹而往前至大  
澤寧淖麻產棄馬入荏葦太祖亦棄馬追及之與之挑戰  
烏古論壯士活臘胡乘馬來問曰此何人也太祖初不識



麻產佯應曰麻產也活臘胡曰今亦追及此人邪遂下馬  
援槍進戰麻產連射活臘胡活臘胡中二矢不能戰有頃  
軍至圍之歡都射中麻產首遂擒之無有識之者活臘胡  
乃前扶其首而視之見其齒豁曰真麻產也麻產張目曰  
公等事定矣遂殺之太祖獻馘於遼

鈍恩阿里民忒石水紇石烈部人祖曰劾魯古父納根涅  
世爲其部勃堇幹准部人治刺勃堇海葛安勃堇暴其族  
人幹達罕勃堇及諸弟屋里黑屋徒門抄略其家及抄略  
阿活里勃堇家侵及阿根涅所部穆宗使納根涅以本部  
兵往治治刺等行至蘇濱水輒募人爲兵王者拒之輒抄

略其人遂攻烏古論部敵庫德入米里迷石罕城及幹賽  
治訶來問狀止蘇濱水西納木汗村納根涅止蘇濱水東  
屋邁村納根涅雖款伏而不肯徵償時甲戌歲十月也明  
年八月納根涅遯去幹賽追而殺之執其母及其妻子以  
歸而使鈍恩復其所

留可統門渾蠢水合流之地烏古論部人忽沙渾勃堇之  
子詐都渾蠢水安春之忽沙渾之子也間誘奧純鳩塔兩  
部之民作亂敵庫德鈍恩皆叛而與留可詐都合兩黨揚  
言曰徒單部之黨十四部爲一烏古論部之黨十四部爲  
一蒲察部之黨七部爲一凡三十五部完顏部十二而已



以三十五部戰十二部三人戰一人也勝之必矣世祖降附諸部亦皆有離心當是時惟烏延部斜勒勃堇及統門水溫迪痕部阿里保勃堇撒葛周勃堇等皆使人來告難斜勒達紀保之子也先使其兄保骨臘來既而以其甲來歸阿里保等曰吾等必不從亂但乞兵為援耳穆宗使撒改伐留可使謾都訶伐敵庫德既而太祖以七十甲詣撒改軍中道以四十甲與謾都訶石土門之軍與謾都訶會于米里迷石罕城下而鈍恩將援留可聞謾都訶之兵寡以為無備而未知石土門之來會也欲先攻謾都訶謾都訶石土門迎擊大破鈍恩米里迷石罕城遂降獲鈍恩敵庫德皆釋弗誅太祖至撒改軍明日遂攻破留可城城中渠帥皆誅之取其孳累皆產而還鳩塔城亦撤守備而降留可先在遠鳩塔已脫身在外由是皆未獲詐都亦詣蒲家奴降太祖釋之於是諸部皆安業如故久之留可鳩塔皆來降

阿疎星顯水紇石列部人父阿海勃堇事景祖世祖世祖破烏春還阿海率官屬士民迎謁于雙宜大灤獻黃金五斗世祖喻之曰烏春本微賤吾父撫育之使為部長而忘大恩乃結怨於我遂成大亂自取滅亡吾與汝等三十部之人自今可以保安休息吾大數亦將終我死汝等當念



我竭力以輔我子弟若亂心一生則滅亡如烏春矣阿海與衆跪而泣曰太師若有不諱衆人賴誰以生勿爲此言未幾世祖沒阿海亦死阿疎繼之阿疎自其父時常以事來昭肅皇后甚憐愛之每至必留月餘乃遣歸阿疎旣爲勃堇嘗與徒單部詐都勃堇爭長肅宗治之乃長阿疎穆宗嗣節度聞阿疎有異志乃召阿疎賜以鞍馬深加撫諭陰察其意趣阿疎歸謀益甚乃斥其事復召之阿疎不來遂與同部毛睹祿勃堇等起兵穆宗自馬紀嶺出兵攻之撒改自胡論嶺往略定濶春星顯兩路攻下鈍恩城穆宗略阿茶擄水益募軍至阿疎城是日辰巳間忽暴雨晦曠

雷電下阿疎所居旣又有大光聲如雷墜阿疎城中識者以謂破亡之徵阿疎聞穆宗來與其弟狄故保往訴于遼遼人來止勿攻穆宗不得已留劾者勃堇守阿疎城而歸金初亦有两劾者其一撒改父贈韓國公其一守阿疎城者後贈特進云劾者以兵守阿疎城者二年矣阿疎在遼不敢歸毛睹祿乃降遼使復爲阿疎來穆宗聞之使烏林荅石魯濟師且戒劾者令易衣服旗幟與阿疎城中同色使遼使不可辨遼使至乃使蒲察部胡魯勃堇邈遜勃堇與俱至劾者軍而軍中已易衣服旗幟與阿疎城中如一遼使果不能辨劾者詭曰吾等自相攻干汝何事誰識汝



之太師乃刺殺胡魯邈邈所乘馬遼使驚怖走去遂破其城狄故保先歸殺之阿踈聞穆宗以計却遼使破其城殺狄故保復訴於遼遼使奚節度使乙烈來問狀且使備償阿踈穆宗復使主隈秃荅水人僞阻絕鷹路者而使鼈故德部節度使言於遼平鷹路非已不可遼人不察也信之穆宗畋於土溫水謂遼人曰吾平鷹路也遼人以為功使使來賞之穆宗盡以其物與主隈秃荅之人而不復備償阿踈遼人亦不復問阿踈在遼無所歸後二年使其徒達紀至生女直界上曷懶甸人畏穆宗執而送之阿踈遂終于遼及太祖伐遼底遼之罪告于天地而以阿踈亡命遼人不與為言凡與遼往復書命必及之天輔六年閣母婁室略定天德雲內寧邊東勝等州獲阿踈軍士問之曰爾為誰曰我破遼鬼也

贊曰金之興也有自來矣世祖擒臘醅婆諸刊既獻之遼以為功則又曰若不遣還其部人疑懼且為亂階遼人不察盡以前後所獻罪人歸之景祖止曷魯林牙止同幹穆宗止遼使阿踈城始終以鷹路誤之而遼人不悟景祖有貢馬服乘如意景祖沒遼貴人爭欲得之世祖弗與曰難未息也馬不可以與人遂割其兩耳謂之秃耳馬遼貴人乃弟取其削平諸部則借遼以為己重既獻而求之則市



以爲已重戰陣一良馬終弗與遼人而遼人終不悟豈興  
亡有數蓋天奪其魄歟

奚與契丹俱起在元魏時號庫莫奚歷宇文周隋唐皆號  
兵強其後契丹破走奚奚西保冷陁其留者臣服于契丹  
號東西奚厥後遼太祖稱帝諸部皆內屬矣鐵勒者古部  
族之號奚有其地號稱鐵勒州又書作鐵驪州奚有五王  
族世與遼人爲昏因附姓述律氏中事具遼史今不載奚  
有十三部二十八落一百一帳三百六十二族甲午歲太  
祖破耶律謝十諸將連戰皆捷奚鐵驪王回鹘保以所部  
降未幾遼歸于遼及遼主使使請和太祖曰歸我叛人阿

疎降人回鹘保迪里等餘事徐議之久之遼主至鴛鴦灤  
都統杲襲之亡走天德回鹘保與遼大臣立秦晉國王耶  
律捏里于燕京捏里死蕭妃權國事太祖入居庸關蕭妃  
自古北口出奔回鹘保至盧龍嶺遂留不行會諸奚吏民  
于越里部僭稱帝改元天復改置官屬籍渤海奚漢丁壯  
爲軍太祖詔回鹘保曰聞汝脅誘吏民僭竊位號遼主越  
在草莽大福不再汝之先世臣服于遼今來臣屬與昔何  
異汝與余睹有隙故難其來余睹設有睚眦朕豈從之儻  
能速降盡釋汝罪仍俾主六部族總山前奚衆還其官屬  
財產若尚執迷遣兵致討必不汝赦回鹘保不聽天輔七



年五月回鹘保南寇燕地敗於景鰲間其衆奔潰耶律奧古哲及甥八斤家奴白底哥等殺之其妻阿古聞之自剄而死先是速古部人據劾山奚路都統撻懶招之不服往討之鐵泥部衆扼險一戰殺之殆盡至是速古啜里鐵泥三部所據十三巖皆討平之達魯古部節度使乙列已降復叛奚馬和尚討達魯古并五院司等諸部諸部皆降遂執乙列杖之一百其父及其家人先被獲者皆還之初太祖破遼兵于達魯古城九百奚營來降至是回鹘保死奚人以次附屬亦各置猛安謀克領之

贊曰庫莫奚契丹起於漢末盛於隋唐之間俱疆爲隣國合并爲君臣歷八百餘年相爲終始奚有五大定間類胡著姓有造里氏伯德氏奧里氏梅知氏揣氏

列傳第五



列傳第六

金史六十八

開府儀同三司柱國錄軍國事尚書省丞相修國公經筵事都總裁臣脫脫

勅修

歡都子謀演

冶訶子阿魯補骨赦

訛古乃

蒲查

歡都完顏部人祖石魯與昭祖同時同部同名交相得誓曰生則同川居死則同谷葬土人呼昭祖為勇石魯呼石魯為賢石魯初烏扎薩部有美女名罷敵悔青嶺東混同江蜀東水人掠而去生二女長曰達回幼曰滓賽昭祖與石魯謀取之遂偕至嶺右炷火於箭端而射蜀東水人怪



之皆走險阻久之無所復見却還所居昭祖及石魯以衆  
至攻取其貨產虜二女子以歸昭祖納其一賢石魯納其  
一皆以爲妾是時諸部不肯用條教昭祖耀武于青嶺白  
山八千蘇濱耶懶之地賢石魯佐之也其後別去至景祖  
時石魯之子劾孫舉部來歸居於安出虎水源胡凱山南  
胡凱山者所謂和陵之地是也歡都劾孫子世祖初襲節  
度使而跋黑以屬尊甚異謀不可制諸部不肯受約束相  
繼爲變歡都入與謀議出臨戰陣未嘗去左右幹勒部人  
盃乃自景祖時與其兄弟俱居安出虎水之北及烏春作  
難盃乃將與烏春合間誘幹魯緄出水居人與之相結欲

先除去歡都會其家被火陰約隸人不歌束詭稱放火乃  
歡都胡土二人使注都來謂世祖曰不歌束來告曰前日  
之火歡都等縱之若不棄舊好其執縱火之人以來世祖  
疑之石盧幹勒董曰盃乃兄弟也豈以一二人之故而  
與兄弟構怨乎彼自取之又將尤誰不如與之便歡都被  
甲執戟而起曰彼爲亂之人也若取太師兄弟則亦與之  
乎今取我輩我輩決不可往若必用戰當盡力致死穆宴  
曰壯哉歡都以我所見正如此爾贈歡都以馬曰戰則乘  
此衆皆稱善世祖乃往見盃乃隔鬮刺水而與之言曰不  
歌束既告縱火由歡都等謹當如約當先遣不歌束來不



歌東至世祖於馬前殺之使盃乃見之既而聞之放火者  
盃乃家人阿出胡山也盃乃欲開此釁故以詛歡都云臘  
醅麻產與世祖遇于野鵲水日已曛惟從五六十騎歡都  
入敵陣鏖擊之左右出入者數四世祖中創乃止為春窩  
謀罕據活刺渾水世祖既許之降遂還軍於是騷臘勃董  
富者撻懶觀勝負不助軍而騷臘撻懶先曾與臘醅麻產  
合世祖欲因軍還而遂滅之馳馬前進撻懶者貞惠皇后  
之弟也歡都下馬執轡而諫曰獨不念愛弟蒲陽溫與弟  
婦乎世祖感其言遂止蒲陽溫者漢語云幼弟也世祖母  
弟中穆宗最少故云然穆宗德歡都言後以撻懶女呂羅

哂妻其子谷神太祖追麻產歡都射中其首遂獲之遼人  
命穆宗太祖辭不失歡都俱為詳穩幹善幹脫以姑里甸  
兵來歸使斜鉢勃董撫定之蒲察部故石拔石等誘其衆  
入城陷三百餘人歡都為都統往治斜鉢失軍之狀盡解  
斜鉢所將軍大破烏春窩謀罕於斜堆擒故石拔石初耶  
悔水納喝部撒八之弟曰阿注阿與人爭部族官不得直  
來歸穆宗阿注阿之甥曰三濱曰撒達辭不失破烏春窩  
謀罕城獲三濱撒達并獲其母以為次室撫其二子撒達  
告阿注阿必為變不信而殺之撒達臨刑歎曰後必知之  
至是阿注阿果為變因穆宗晨出獵斜率七八人果兵入



宅奪據寢門劫貞惠皇后及家人等歡都入見阿注阿曰  
汝輩所謀之事奈何閨門眷屬豈足劫質徒使之驚恐耳  
汝固識我盍以我為質也再三言之阿注阿從之貞惠皇  
后乃得解而質歡都而撒改辭不失使人告急于獵所穆  
宗亦心動罷獵中途逢告者日午至阿注阿謂穆宗曰可  
使係案女直知名官僚相結送我兄弟親屬由咸州路入  
遼國庫金厩馬與我勿惜歡都亦當送我至遼境然後還  
而要穆宗盟穆宗皆從之遂執歡都及阿魯太寧阿魯不  
太寧等七人以衣裾相結與阿注阿俱行至遼境乃釋歡  
都歡都至濟州實黃龍府使人馳驛要遮阿注阿黨屬

縱其親人使去遂殺三瀆并其母具報於遼乞還阿注阿  
遼人流之曷董城其後阿注阿懷思鄉土亡歸附于係案  
女直因亂其官僚之室捕之不伏乃見殺穆宗襲位之初  
諸父之子習烈斜鉢及諸兄有異言曰君相之位皆渠輩  
為之奈何歡都曰汝輩若紛爭則吾必不默默但已衆聞  
之遂帖然自是不復有異言者歡都事四君出入四十年  
征伐之際遇敵則先戰廣延大議多用其謀世祖嘗曰吾  
有歡都則何事不成肅宗時委任冠於近僚穆宗嗣位凡  
圖遼事皆專委之康宗以為父叔舊人尤加敬禮多所補  
益康宗十一年癸巳二月得疾避疾於米里每水薨年六



十三夜歸康宗親迓於路送至其家親視葬事天會十五年追贈儀同三司代國公明昌五年贈開府儀同三司謚曰忠敏子谷神謀演谷神別有傳謀演當阿注阿之難從歡都代爲質後與宗峻俱侍太祖宗峻坐謀演上上怒命坐其下李董老李論拔合汝轄拔速三人爭千戶上曰汝輩能如歡都父子有勞於國者乎乃命謀演爲千戶三人者皆隸焉其眷顧如此天輔五年十二月卒天會十五年贈太子少傅

治訶系出景祖居神隱水完顏部爲其部勃董與同部人把里勃董幹泺水蒲察部胡都化勃董斯都勃董泰神忒得水完顏部安團勃董統八門水溫迪痕部活里蓋勃董俱來歸金之爲國自此益大肅宗拒桓赦已再失利世祖命歡都治訶以本部謀克之兵助之治訶與歡都常在世祖左右君則與謀議出則泣行陣未嘗不在其間天會十五年贈銀青光祿大夫明昌五年贈特進謚忠濟與代國公歡都特進劾者開府儀同三司盆納儀同三司拔達俱配享世祖廟廷治訶子阿魯補骨赦訛古乃散答散答子蒲查

阿魯補治訶之子爲人魁偉多智略勇於戰未冠從軍下咸州東京遼人來取海州從勃董麻吉往援道遇重敵力



戰斬首千級從韃魯古攻豪懿以十餘騎破敵七百進襲遼主阿魯補徇北地招降營帳二十四民戶數千時已下西京闕毋攻應州未下退營於州北十餘里夜遣阿魯補率兵四百伺敵城中果出兵三千來襲阿魯補道與之遇斬首百餘獲馬六十後遼兵三萬出馬邑之境以千兵擊之斬其將於陣天會初宋王宗望討張覺於平州聞應州有兵萬餘來援遣阿魯補與阿里帶迎擊之斬敵數千而遂復從其兄虞劃率兵三千攻乾州虞劃道病卒代領其衆至乾州降其軍及營帳三千獲印四十與僕虺攻下義州宗望伐宋與郭藥師戰于白河宗望命阿魯補以二

謀克先登奮戰賞賚特異至汴破淮南援兵斬其二將大軍退次孟陽姚平仲夜以重兵來襲阿魯補適當其中力戰敗之既還聞大名開德合兵十餘萬來爭河至河上知去敵尚遠乃以輕兵夜發詰旦至衛縣遇敵斬首數千級餘皆潰去師次邢州滹沱橋已焚阿魯補先以偏師營於水上比軍至而橋成宗望嘉其功出真定庫物賞之爲長勝軍千戶及再伐宋從宗望破敵於井陘遂下藥城師自大名濟河阿魯補屯於洺州之境時康王留相州大名府以兵來攻我營阿魯補乘夜以騎二百潛出其後反擊敗之居數日敵復來蘇統制以兵二萬先至阿魯補乘其未



集以三百騎出戰大敗其衆生擒蘇統制殺之大軍既克  
汴京攻洺州敗大名救兵遂下洺州從捷懶攻恩州還洺  
人復叛阿魯補先至城下城中出兵來戰敗之執其守佐  
遂與蒲魯權取信德軍梁王宗弼取開德阿魯補以步兵  
五千赴之大名境內多盜命阿魯補留屯其地賊犯莘縣  
聞阿魯補至即潰去追襲一晝夜至館陶及之皆俘以歸  
從宗弼襲康王既渡淮阿魯補以兵四千留和州總督江  
淮間戍將以討未附郡縣遂攻下太平州隳其城廬州叛  
以偏師討之敗其騎六千擒二校明日復破敵二萬於慎  
縣斬首五百張永合步騎數萬來戰阿魯補兵止二千敵

圍之阿魯補潰圍力戰竟敗之追殺四十里獲馬三百而  
還再攻廬州與迪古不敗敵萬衆於拓臯至廬州騎兵五  
百出戰敗之斬其二校師還宗弼趨陝西道聞大名復叛  
遣阿魯補經畧之獨與譯者至城下招之入名果降翌日  
下令民間兵器悉上送官於是吏民按堵如故爲大名開  
德路都統齊國建阿魯補屯兵於汴城外天會十五年詔  
廢齊國已執劉麟阿魯補先入汴京備變明年除歸德尹  
割河南地與宋入爲燕京內省使宗弼復河南阿魯補先  
濟河撫定諸都再爲歸德尹河南路都統宋兵來取河南  
地宗弼召阿魯補與許州韓常潁州大臯陳州赤盞暉皆



會於汴阿魯補以敵在近獨不赴而宋將岳飛劉光世等果乘間襲取許潁陳三州旁郡皆響應其兵犯歸德者阿魯補連擊敗之復取亳宿等州河南平阿魯補功最皇統五年爲行臺參知政事授世襲猛安兼合扎謀克改元帥右監軍婆速路統軍歸德軍節度使累階儀同三司其在汴時嘗取官舍材木構私第於恩州至是事覺法當議劾議親海陵嘗在軍中惡阿魯補詔曰若論勲勞更有過於此者况官至一品足以酬之國家立法貴賤一也豈以親貴而有異也遂論死年五十五阿魯補以將家子從征伐屢立功歷官有惠愛得民心及死人皆惜之大定三年贈儀同三司詔以其子爲右衛將軍襲猛安及親管謀克賜銀五百兩重綵二十端絹三百匹

骨赦治訶子善騎射有材幹從討桓赦散達烏春窩謀罕留可之叛皆有功從太祖伐遼骨赦從軍戰寧江州出河店破遼主親軍皆以力戰受賞襲其父謀克領秦王宗翰千戶攻下中而幽京宗翰伐宋圍太原未下宗翰還西京骨赦以右翼軍佐銀木可守太原是時汾州圍柏榆次嵐憲潞皆有兵來援骨赦凡四戰皆破之大軍圍汴骨赦引萬戶軍屢敗其援兵憲潞等州復叛骨赦引兵復取之并收撫保德火山而還後領軍鎮夏邊在職十二年天會八



年授世襲猛安天眷初爲天德軍節度使致仕累遷開府儀同三司卒年八十五子喜哥襲猛安加宣武將軍

訛古乃洽訶子姿質魁偉年十四隸秦王宗翰軍中嘗領兵行前爲偵候及大軍襲遼主訛古乃以甲騎六十追遼招討徒山獲之又以七騎追獲遼公主牙不里以獻有軍來爲遼援方臨陣中有躍馬而出者軍帥謂之曰爾能爲我取此乎訛古乃曰諾果生擒而還問其名曰同瓜蓋北部中之勇者也訛古乃善馳驛日能千里及伐宋屢遣將命以行天會八年從秦王在燕聞余睹反於西北秦王令訛古乃馳驛以往訛古乃黎明走天德及至日未曛也皇

統元年以功授寧遠大將軍豪刺唐古部節度使五年授千戶六年遷西北路招討使九年再遷天德尹西南路招討使天德二年召見四年遷臨洮尹加金紫光祿大夫卒官年五十三

蒲查自上京梅堅河徙屯天德初爲元帥府扎也使於四方稱職按事能得其實領猛安皇統間除同知開遠軍節度使斥候嚴整邊境無事正隆初爲中都路兵馬判官是時京畿多盜蒲查捕得大盜四十餘人百姓稍安改安化軍節度副使大定二年領行軍萬戶充邳州刺史知軍事領本州萬戶管所屯九猛安軍昌武軍節度使山東副都



統撒改南征元帥府以蒲查行副統事入為太子少詹事  
再遷開遠軍節度使襲伯父骨赧猛安歷婆速路兵馬都  
總管西北路招討使卒蒲查性廉潔忠直臨事能斷凡被  
任使無不稱云

贊曰賢石魯與昭祖為友歡都事景祖世祖為之臣蓋全  
自景祖始大諸部君臣之分始定故傳異姓之臣以歡都  
為首治訶雖宗室與歡都同功故列叙焉

列傳第六

列傳第七

金史六十九

開府儀同三司柱國錄軍國軍事前書景宗相穆國史領經筵事都總裁臣脫脫春

來修

太祖諸子

宗雋 本名訛魯觀

宗傑 本名沒里野

宗強 本名阿魯

爽 本名阿鄰

可喜

阿瑣

宗敏 本名阿魯補

元

太祖聖穆皇后生景宣帝豐王烏烈趙王宗傑光懿皇后  
生遼王宗幹欽憲皇后生宋王宗望陳王宗雋瀋王訛魯  
宣獻皇后生睿宗幽王訛魯朶元妃烏古論氏生梁王宗

列傳七

金史六十九

余長壽



弼衛王宗強蜀王宗敏崇妃蕭氏生紀王習泥烈息王寧  
吉莒王燕孫娘子獨奴可生鄴王幹忽宗幹宗望宗弼自  
有傳

宗雋本名訛魯觀天會十四年爲東京留守天眷元年入  
朝與左副元帥撻懶建議以河南陝西地與宋俄爲尚書  
左丞相加開府儀同三司兼侍中封陳王二年拜太保領  
三省事進封充國王既而以謀反誅

宗傑本名沒里野天會五年薨天會十三年謚孝悼天眷  
元年追封越王以其長子奭爲會寧牧封鄧王後爲上京  
留守再改燕京西京皇統三年薨子阿楞撻楞海陵爲相

將謀弒立構而殺之海陵篡立并殺宗傑妻大定間贈宗  
傑太師進封趙王

宗強本名阿魯天眷元年封紀王三年代宗固爲燕京留  
守封衛王太師皇統二年十月薨輟朝七日喪至上京上  
親臨哭之慟仍親視喪事子阿鄰可喜阿瑣

爽本名阿鄰天德三年授世襲猛安正隆二年除橫海軍  
節度使改安武軍留京師奉朝請海陵將伐宋嚴酒禁爽  
坐與其弟阿瑣及從父兄京徒單貞會飲被杖下遷歸化  
州刺史奪猛安未幾復除安武軍節度使海陵渡淮分遣  
使者翦滅宗室爽憂懼不知所出會世宗即位東京宗室



璋推爽弟阿瓚行中都留守遣人報爽爽棄妻子來奔與弟忻州刺史可喜俱至中都東迎車駕至梁魚務入見世宗大悅即除殿前馬步軍都指揮使封溫王改秘書監毋憂尋起復遷太子太保進封壽王頃之世宗第五女蜀國公主下嫁唐括鼎賜宴神龍殿謂爽曰朕與卿兄弟在正隆時朝夕常懼不保豈意今日賴爾兄弟之福可以享安樂矣爽泣下頓首謝未幾判大宗正事太子太保如故爽有疾詔除其子符寶祗候思列爲忠順軍節度副使爽入謝上曰朕以卿疾使卿子遷官冀卿因喜而愈也思列年少未間政事卿訓以義方使有善可稱別加升擢爽疾少

間將從上如涼陁賜錢千萬進封英王轉太子太傅復世襲猛安進封榮王改太子太師顯宗長女鄴國公主下嫁烏古論誼賜宴慶和殿爽坐西向迎夕照面發赤似醉上問曰卿醉邪對曰未也臣面迎日色非酒紅也上悅顧羣臣曰此弟出言未嘗不實自小如此因謂顯宗兄弟曰汝等可以爲法以爽賞用有闕特賜錢一萬貫二十三年爽疾久不愈勅有司曰榮王告滿百日當給以王俸既薨上悼痛輟朝遣官致祭賻銀千兩重綵四十端絹四百匹陪葬山陵親王百官送葬他日謂大臣曰榮王之葬朕以不果親送爲恨其見友愛如此



可喜以宗室子累官唐括部族節度使降忻州刺史海陵遣使殺之可喜聞世宗即位即棄州來歸與其兄歸化州刺史阿鄰會于中都是時弟阿瑣權中都留守事可喜謂阿鄰曰阿瑣愚戇恐不能撫治欲少留以助之阿鄰乃行可喜留中都聞世宗發東京乃迎見于麻吉鋪除兵部尚書佩金牌將兵往南京行至中都聞南京已定遂止可喜材武過人狠戾好亂自以太祖孫頗有異志世宗初至中都恠惚多事扈從諸軍未暇行賞或有怨言昭武大將軍幹論正隆末被詔佩金牌取河南兵四百人監完顏鼓英軍于歸化次彰德會獨吉和尚持大定赦文至和尚使人招之幹論不聽率兵來迎和尚亦以所將蒲輦兵列陣待之幹論兵皆不肯戰遂請降和尚邀之入相州收其甲兵置酒相勞幹論託腹疾不肯飲至夜已張燈時時出門與其心腹密謀欲就執和尚稍具弓矢和尚覺之佯為不知使其從者迫而伺之幹論不得發上至中都近郊幹論上謁上亦撫慰之幹論自慊初無降志及河南統軍司令史幹里朶為人狡險熹圖事幹論取兵于河南統軍使陟滿訛里也幹里朶與俱來俱不自安同知延安尹李惟忠與熙宗弒逆構殺韓王亨世宗踈斥之同知中都留守璋初自領其職因而授之完顏布輝為副統以罪解職屠京師



於是可喜幹論李惟忠幹累奏璋布輝謀欲因扈從軍士  
 怨望作亂幹論曰押軍猛安沃窟刺必不違我惟忠曰惟  
 忠嘗為神翼軍總管有兩銀牌尚存可以矯護內藏賞士  
 萬戶高松與我舊必見聽衆曰若得此軍舉事無難矣幹  
 論往約沃窟刺沃窟刺從之惟忠往說高松高松不聽語  
 在松傳大定二年正月甲戌上謁山陵可喜中道稱疾而  
 歸乙亥夜召幹論惟忠幹里朶璋布輝會其家沃窟刺以  
 兵赴之璋曰今不得高松軍事不可成矣可喜璋布輝乃  
 擒幹論惟忠幹里朶沃窟刺詣有司自首既下詔獄可喜  
 不肯自言其始謀及與幹論面質然後款伏上念兄弟少

太祖孫惟數人在惻然傷之詔罪止可喜一身其兄弟子  
 孫皆不緣坐遂誅幹論惟忠幹里朶沃窟刺等其沃窟刺  
 下謀克士卒皆釋之除璋彰化軍節度使布輝濬州防禦  
 使辛巳詔天下是日賜扈從萬戶銀百兩猛安五十兩謀  
 克綰十匹甲士綰五匹錢六貫阿里喜以下賜各有差  
 阿瑣宗強之幼子也長身多力天德二年以宗室子授奉  
 國上將軍累加金吾衛上將軍居於中都海陵伐宋以左  
 衛將軍蒲察沙离只同知中都留守事佩金牌守管籥世  
 宗即位東京阿瑣與璋率守城軍官烏林荅石家奴等入  
 留守府殺沙离只府判抹撚撒离喝衆以阿瑣行留守事



璋自署同知留守事即遣謀克石家奴烏林荅愿蒲察蒲查大興少尹李天吉子磐等奉表東京大定二年授橫海軍節度使賜以名鷹詔曰卿方年少宜自戒慎留心政事改武定軍以毋憂去官起復興平軍節度使賜以襲衣廐馬遷廣寧尹坐贓一萬四千餘貫詔杖八十削兩階解職入見于常武殿上曰朕謂汝有才力使之臨民今汝在法當死朕以親親之故曲爲全貸當思自今戒懼勿復使惡聲達于朕聽改平涼濟南尹卒官年三十七上命有司致祭賻銀千兩重綵四十端絹四百匹

宗敏本名阿魯補天眷元年封邢王皇統三年爲東京留守拜左副元帥兼會寧牧進拜都元帥兼判太宗正事再進太保領三省事兼左副元帥領行臺尚書省事封曹國王海陵謀弒立畏宗敏屬尊且材勇欲構誣以除之時熙宗屢殺大臣宗敏憂之謂海陵曰主上喜殘殺而國家事重奈何宗敏言時適左右無人海陵將以此爲指斥構害之自念無證不可發乃止及弒熙宗使葛王召宗敏葛王者世宗初封也宗敏聞海陵召疑懼不敢往葛王曰叔父今不即往至明日如何與之相見宗敏入宮海陵欲殺之尚猶豫以問左右烏帶曰彼太祖子也不殺之衆人必有異議不如除之乃使僕散忽土殺之忽土刃擊宗敏宗敏



左右走避膚髮血肉狼藉遍地葛王見殺宗敏問於衆曰  
國王何罪而死烏帶曰天許大事尚已行之此蟻蝨耳何  
足道者天德三年海陵追封宗敏為大師進封爵妃蒲察  
氏進國號封子撒合輦舒國公賜名褒進封王阿里罕封  
密國公正隆六年契丹撒八反海陵遣使殺諸宗室阿里  
罕遂見殺大定間詔復官爵

胙王元景宣皇帝宗峻子也本名常勝為北京留守弟查  
刺為安武軍節度使皇統七年四月戊午左副點檢蒲察  
阿虎特子尚主進禮物賜宴便殿熙宗被酒酌酒賜元元  
不能飲上怒仗劍逼之元逃去命左丞宗憲召元宗憲與

元俱去上益怒是時戶部尚書宗禮在側使之跪手殺之  
海陵與唐括辯謀廢立海陵曰若舉大事誰當立者海陵  
意謂已乃太祖長房之孫當立而辯與秉德初意不在海  
陵常勝乃熙宗之弟辯者曰無胙王常勝乎海陵復問其  
次辯曰鄧王子阿楞海陵曰阿楞屬疎由是海陵謂胙有  
人望不除之將不得立故心忌常勝并阿楞是時阿楞方  
為奉國上將軍河南軍士孫進自稱皇弟按察大王熙宗  
疑皇弟二字或在常勝也使特思鞞之無狀特思乃嘗疑  
海陵與唐括辯時時竊議告之悼后者海陵知熙宗有疑  
常勝心因此可以除之謂熙宗曰孫進反有端不稱他人



乃稱皇弟大王陛下弟止有常勝查刺特思鞞不以實故  
出之矣熙宗以為然使唐括辯蕭肄按問特思鞞自誣  
服故出常勝罪於是乃殺常勝及其弟查刺并殺特思海  
陵乘此并擠阿楞殺之阿楞弟撻楞熙宗本無意殺之海  
陵曰其兄既已伏誅其弟安得獨存又殺之熙宗以海陵  
為忠愈益任之而不知其詐也海陵篡立追封常勝查刺阿  
楞官爵親臨葬所致祭大定十三年六月丁巳世宗召皇  
太子諸王侍食于清輝殿曰或稱海陵多能何也海陵謫  
詐睚眦殺人空虛天下三分之二太祖諸孫中惟胙王元  
天性賢者也元子育本名合住大定二十七年自南京副

留守遷太宗正丞兼勸農副使上問宰臣曰合住為人如  
何平章政事襄叅政宗浩對曰為人清廉幹治上曰乃父  
亦然又曰蒲陽溫胙王元外若愚訥臨事明敏過人朕於  
兄弟間於元尤款密

贊曰太祖躬擐甲胃以定國家舉無遺策而諸子勇畧材  
識足以遂父之志傳及太宗而諸孫享其成矣

列傳第七







